

[XASM/MCPPP]

Na sala de comisións “Concepción Arenal” do pazo Parlamento de Galicia reúnese a **Comisión de Peticións**, o día **20 de setembro de 2024**, ás **10:00 horas**, logo da convocatoria remitida para o efecto.

Asisten as persoas que se relacionan a seguir:

Mesa:

María Elena Candia López
(Vicepresidenta 1ª)
María Montserrat Prado Cores
(Vicepresidenta 2ª)
Ethel María Vázquez Mourelle
(Secretaria)
Patricia Iglesias Rey
(Vicesecretaria)

Vogais:

Grupo Parlamentario Popular de Galicia (P):

Paula Prado del Río

Grupo Parlamentario do Bloque Nacionalista Galego (BNG):

Óscar Insua Lema

Grupo Parlamentario dos Socialistas de Galicia (S):

Paloma Castro Rey

Grupo Parlamentario Mixto (M):

Armando Ojea Bouzo

Comparecente:

María Dolores Fernández Galiño (valedora do pobo)

Letrado:

Xosé Antón Sarmiento Méndez

A vicepresidenta 1ª abre a sesión e rógalle á secretaria que lle dea lectura á relación de membros titulares da Comisión para os efectos de comprobar a existencia de quórum de constitución. Logo da constatación deste, éntrase no desenvolvemento da orde do día obxecto desta sesión.

Punto 1. Informe anual do Valedor do Pobo

1.1 11139 (12/IVAL-000001)

Valedor do Pobo

Informe anual correspondente ao ano 2023

A Presidencia lembra o desenvolvemento da comparecencia que se iniciara cunha primeira intervención da valedora do pobo, para a cal disporá do tempo que precise; a continuación, os grupos parlamentarios disporán dun tempo aproximado de 10 minutos cada un, para formular as cuestións que consideren oportunas; e a valedora contestaralles a continuación e pechará a comparecencia.

Sen máis, concédelle a palabra á señora Fernández Galiño (valedora do pobo), quen procede a informar sobre informe anual do Valedor do Pobo correspondente ao ano 2023.

A seguir, ábrese unha rolda dos grupos parlamentarios para que os seus voceiros e voceiras formulen as preguntas e observacións que consideren oportunas sobre a información recibida; nela interveñen: o señor Ojea Bouzo (M), a señora Castro Rey (S), o señor Insua Lema (BNG) e a señora Prado del Río (P). Ambos intervinientes coinciden en agradecer a presenza da valedora do pobo e valorar positivamente a súa xestión e a do seu equipo colaborador ao fronte da Institución, ao tempo que expoñen os criterios dos seus respectivos grupos sobre o contido deste informe.

Ao remate das anteriores intervencións, o señor Insua Lema (BNG) solicita a palabra, en base ao artigo 76.3 do Regulamento da Cámara, por alusións ás verbas da voceira do G.P. Popular de Galicia referidas ao seu grupo parlamentario, que lle é denegada pola Presidencia e ao que o señor Insua Lema (BNG) manifesta a súa desconformidade.

A continuación, a Presidencia concédelle de novo a palabra á señora valedora do pobo, María Dolores Fernández Galiño, quen contesta ás cuestións que se lle suscitaron e con cuxa intervención se pecha o debate desta comparecencia.

A Presidencia agradécelle á valedora do pobo a súa presenza na Comisión e descúlpaa de seguir na sesión, da que se ausenta.

A seguir, éntrase no desenvolvemento do punto segundo da orde do día:

Punto 2. Debate e votación do Informe da Ponencia sobre o proxecto de modificación do Regulamento de Organización e Funcionamento do Valedor do Pobo (doc. núm. 3444, 12/PMRE-000001)

Publicación da iniciativa, BOPG n.º 25f2, do 16.05.2024

Publicación das emendas e da ponencia, BOPG n.º 40f1, do 19.06.2024

Publicación da corrección de erros, BOPG n.º 42, do 21.06.2024

Publicación do informe de ponencia, BOPG n.º 49f1, do 10.07.2024

A Presidencia, salienta que, previo ao debate e en cumprimento das normas reguladoras da tramitación deste proxecto, esta comisión debe ratificar o nomeamento provisional da Ponencia efectuado por esta Mesa, publicado no BOPG, do 19 de xuño de 2024, e integrada por: Paula Prado del Río (P), Óscar Insua Lema (BNG) e Paloma Catro Rey (S). Non se manifestan obxeccións ao respecto, polo que, se entende ratificado o seu nomeamento.

A continuación, seguindo os precedentes e co acordo do e das ponentes, comunica que o debate e votación do texto articulado do informe da Ponencia desenvolverase do seguinte xeito:

Unha única rolda dos grupos parlamentarios por un tempo de 8 minutos para posicionarse respecto do informe, defender, se é o caso, e posicionarse sobre as emendas presentadas e posterior votación.

A seguir, na rolda dos grupos parlamentarios intervén, en primeiro lugar, o señor Ojea Bouzo (M), para manifestar a posición do seu grupo e anuncia a súa abstención de voto ao texto articulado proposto pola Ponencia no seu informe.

En segundo lugar, a señora Castro Rey (S), amosa os motivos polos que o seu grupo non presentou emendas, á vez que se pronuncia a favor do texto articulado proposto pola Ponencia.

En terceiro lugar, intervén o señor Insua Lema (BNG), quen, logo de facer unha puntualización a respecto da súa petición anterior en base ao artigo 76.3 do Regulamento, defende a emenda a emenda á totalidade de devolución presentada polo seu grupo (doc. 5248) para a que a Ponencia no seu informe propón o seu rexeitamento, e anuncia o rexeitamento do seu grupo ao texto articulado proposto pola Ponencia no seu informe.

En cuarto lugar, intervén a señora Prado del Río (P), quen, logo de referirse e matizar as alusións expostas polo voceiro do G.P. do BNG, salienta que o seu grupo presentou catro emendas ao texto articulado para as que a Ponencia no seu informe propón a súa aceptación e anuncia o favorable do seu grupo ao texto articulado proposto pola Ponencia.

Ao terse rematado o debate, a Presidencia dá paso ao trámite das votacións das emendas presentadas conforme ao posicionamento da Ponencia:

En primeiro lugar, sométese a votación a **emenda á totalidade de devolución do G.P. do Bloque Nacionalista Galego (doc. 5248)**, que –en aplicación do voto ponderado– resulta **rexeitada** por:

. votos a favor..... 25 (G.P. BNG)
. votos en contra 49 (GGPP: P+S)
. abstencións..... 1 (G.P.M)

En segundo lugar, sométense conxuntamente a votación as **emendas ao articulado do G.P. Popular de Galicia, números 1 á 4 (doc. 5258)**, que –en aplicación do voto ponderado– resultan **aprobadas** por:

. votos a favor..... 40 (G.P. P)
. votos en contra 0
. abstencións..... 35 (GGPP: BNG+S+M)

En terceiro lugar, sométese a votación o **texto articulado do proxecto de reforma do Regulamento de organización e funcionamento do Valedor do Pobo** que, en aplicación do voto ponderado, resulta **aprobado** por:

. votos a favor..... 49 (GGPP: P+S)
. votos en contra 25 (G.P. BNG)
. abstencións..... 1 (G.P.M)

Xa que logo, queda **aprobado** o Ditame da Comisión sobre o Proxecto de modificación do Regulamento de Organización e Funcionamento do Valedor do Pobo (doc. núm. 3444, 12/PMRE-000001), que se publicará como **modificación do Regulamento de organización e funcionamento do Valedor do Pobo** no Boletín Oficial do Parlamento de Galicia e no Diario Oficial de Galicia.

A seguir, éntrese no desenvolvemento do punto 3 da orde do día:

Punto 3. Dereito de Petición

A Presidencia informa que, unha vez examinados os documentos remitidos a esta Comisión -de conformidade co establecido no artigo 48 do Regulamento do Parlamento de Galicia- e oído os Servizos Xurídicos da Cámara, propón a agrupación dos documentos segundo as propostas de acordo a adoptar, resultando as seguintes:

-Expedientes que figuran na orde do día nos puntos:

3.1 **63503 (11/VUDE-000051)**
 Dereito de petición relativo ás licenzas en Galicia para a radio dixital DAB ou DAB+
 (David Criado Caballero)

- 3.3 63779 (11/VUDE-000053)**
Dereito de petición relativo ás licenzas en Galicia para a radio dixital DAB+
(Alejandro Criado Casal)
- 3.7 1856 (12/VUDE-000002)**
Dereito de petición para unha mellor cobertura móbil do Grupo Masorange en Teixeiro
(Manuel Dopazo Pereira)
- 3.8 1857 (12/VUDE-000003)**
Dereito de petición para unha mellor cobertura móbil do Grupo Masorange en Teixeiro
(Fernando Rey Lema)
- 3.9 5510 (12/VUDE-000004)**
Dereito de petición en relación á asistencia xurídica ao profesorado dos centros públicos ante denuncias derivadas do exercicio das súas funcións
(Martín Álvarez González)
- 3.11 7991 (12/VUDE-000006)**
Dereito petición en relación á solicitude de axuda para volver á súa vivenda tras levar 23 anos fora dela debido á presunta realización de actividades ilícitas no seu edificio e que ocasionan gases contaminantes como o benceno ou o tolueno, ademais de inseguridade
(Amalia Vázquez Rodríguez)
- 3.13 8876 (12/VUDE-000008)**
Dereito de petición para esixir ao Goberno galego unha lei que permita aos galegos saber quen accedeu ao seu historial clínico do SERGAS
(Alejandro Criado Casal)

A Presidencia, propón remitirille as precitadas peticións á Xunta de Galicia e comunicarlle o acordo aos peticionarios.

-Expediente que figura na orde do día no punto:

- 3.2 63650 (11/VUDE-000052)**

Dereito de petición sobre o proceso selectivo de funcionarización e traslado á Deputación da Coruña de tres traballadores da extinta fundación FAEPAC
(Alejandro Criado Casal)

A Presidencia, propón remitirllle a precitada petición á Deputación da Coruña e comunicarlle o acordo ao peticionario.

-Expediente que figura na orde do día no punto:

3.4 63854 (11/VUDE-000054)
Dereito de petición de amparo por vulneración de dereitos da Comisión da Transparencia de Galicia e Valedora do Pobo
(Miguel Ángel Delgado González)

A Presidencia, propón remitirllle a precitada petición ao Valedor do Pobo e comunicarlle o acordo ao peticionario.

-Expediente que figura na orde do día no punto:

3.5 63928 (11/VUDE-000055)
Dereito de petición para a inclusión na Lei 2/2016, do 10 febreiro, do solo de Galicia e o seu Decreto 143/2016, do 22 setembro, un apartado que permita inscribir as fincas rústicas segregadas con expediente e número catastral, con anterioridade á prohibición de ser dividas, eximindoas da autorización do concello para ser rexistradas
(Irene Miranda Vázquez)

A Presidencia, propón remitirllle a precitada petición á Xunta de Galicia e aos grupos parlamentarios, e comunicarlle o acordo á peticionaria.

-Expediente que figura na orde do día no punto:

3.6 202 (12/VUDE-000001)
Dereito de petición para unha mellor cobertura móbil nos concellos de Curtis e Teixeira
(Noel Dopazo Soliño)

A Presidencia, propón remitirllle a precitada petición á Xunta de Galicia, á Axencia para a Modernización Tecnolóxica de Galicia – AMTEGA, ao Concello de Curtis e ao Valedor do Pobo, e comunicarlle o acordo ao peticionario.

-Expediente que figura na orde do día no punto:

- 3.10 5708 (12/VUDE-000005)**
Plataforma en Defensa del Sector Marítimo Pesquero de Galicia
Dereito de petición de nomeamento de persoa non grata a Eva Cárdenas
Botas
(Miguel Ángel Delgado González)

A Presidencia, propón remitirlle a precitada petición aos grupos parlamentarios e comunicarlle o acordo ao peticionario.

-Expediente que figura na orde do día no punto:

- 3.12 8805 (12/VUDE-000007)**
Dereito de petición en relación coa colocación das bandeiras no Concello
de Oza-Cesuras
(José Antonio Vázquez López)

A Presidencia, propón remitirlle a precitada petición ao Concello de Oza-Cesuras e comunicarlle o acordo ao peticionario.

-Expediente que figura na orde do día no punto:

- 3.14 10183 (12/VUDE-000009)**
Dereito de petición en relación coa repercusión que ten sobre a súa
persoa e a súa familia o feito de ter alertado por posibles casos de
corrupción en diversas institucións públicas
(Martín Álvarez González)

A Presidencia, propón remitirlle a precitada petición á Xunta de Galicia e ao Consello de Contas, e comunicarlle o acordo ao peticionario.

-Expediente que figura na orde do día no punto:

- 3.15 10190 (12/VUDE-000010)**
Dereito de petición en relación coa tramitación e consecución de
determinadas subvencións na provincia de Ourense
(Martín Álvarez González)

A Presidencia, propón remitirlle a precitada petición aos grupos parlamentarios, á Xunta de Galicia e ao Valedor do Pobo, e comunicarlle o acordo ao peticionario.

-Expediente que figura na orde do día no punto:

3.16 10673 (12/VUDE-000011)

**Dereito de petición en relación á concesión de subvencións á Fundación
Curros Enríquez**
(Martín Álvarez González)

A Presidencia, propón remitirle a precitada petición aos grupos parlamentarios, á Xunta de Galicia e á Deputación de Ourense, e comunicarlle o acordo ao peticionario.

Non se manifestan obxeccións ás precitadas propostas e, ao non haber máis asuntos que tratar, a vicepresidenta 1ª levanta a sesión.

Remata a sesión ás 11:45 horas.

(Achégaselle a esta acta como anexo I a transcripción literal do punto primeiro da orde do día desta sesión.)

V. e pr.

Ethel María Vázquez Mourelle
Secretaria

María Elena Candia López
Vicepresidenta 1ª